

Դրամաշնորհային հաշվետվություն **N** \_\_\_\_\_

**1. Ընդհանուր տեղեկատվություն**

|  |  |
|--|--|
| Ծրագրի անվանում                                      | Ֆինանսական գրագիտության բարձրացում   |
| Դրամաշնորհի <b>N</b>                                 | «ԵԶ-ԴՄ-ՖԳ 01 /23»  |
| Դրամաշնորհատու կազմակերպություն                      | ՀՀ կրթության, գիտության, մշակույթի և սպորտի նախարարություն                       |
| Դրամաշնորհառու կազմակերպություն                      | «Խաչմերուկ» կրթական խորհրդատվական կենտրոն հիմնադրամ                              |
| Ծրագրի իրականացման ժամանակահատված                    | 01.04.23թ. – 30.06.23թ   |
| Հաշվետու ժամանակահատված                              | 01.07.23 թ. - 30.07.23 թ.  |
| Ներկայացման օր                                       | 18.07.23 թ.  |
| Հաշվետվության պատասխանատու (անուն, ազգանուն, պաշտոն) | Կարինե Գյաղուկյան<br>«Խաչմերուկ» կրթական խորհրդատվական կենտրոն հիմնադրամի տնօրեն |

## **2. Բովանդակային հաշվետվություն**

**2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:**

**Գործողություն 1.1** Սկսել համագործակցություն Շիրակի մարզի Ամասիա և Մարալիկ համայնքների և Գյումրի քաղաքի համայնքապետարանների/ուսումնական հաստատությունների հետ:

Ապրիլ-հունիս ամիսներին համագործակցություն է հաստատվել «Ամասիայի արհեստագործական պետական ուսումնարան» ՊՈԱԿ-ի, «Շիրակի տարածաշրջանային պետական քոլեջ» ՊՈԱԿ-ի, Հայաստանի Եվրոպական համալսարանի Գյումրու մասնաճյուղի, «Մարալիկի արհեստագործական պետական ուսումնարան» ՊՈԱԿ-ի, Հայաստանի ազգային պոլիտեխնիկական համալսարանի Գյումրու մասնաճյուղի հետ: Պատրաստվել և տնօրեններին են ուղարկվել ծրագրի մանրամասները ներկայացնող գրությունները, ինչից հետո տեղի են ունեցել հանդիպումներ, քննարկվել են ծրագրի գործողությունները և ձեռք բերվել պայմանավորվածություն դասընթացների մեկնարկի և ուսումնառուների հավաքագրման համար **/գրությունների օրինակները կից/:**

**Գործողություն 1.2** Համայնքներում ձևավորել 15 հոգանոց աշակերտական և երիտասարդական խմբեր (արդյունքում 90 մասնակից):

Ապրիլ-հունիս ամիսներին Գյումրի, Ամասիա և Մարալիկ համայնքներում ձևավորվել են 6 աշակերտական և երիտասարդական խմբեր, որոնց կողմորոշիչ հանդիպումների ընթացքում ներկայացվել են «Ֆինանսական գրագիտության բարձրացում» ծրագրի շրջանակներում անցկացվող ֆինանսական գրագիտության բարձրացման դասընթացները և խնայողությունների խաղը:

Դասընթացներին ընդհանուր մասնակցել են 92 ուսումնառու **/մասնակցների կողմից լրացված և ստորագրված մասնակցության թերթիկները կից/:**

**Գործողություն 1.3** Ձևավորված խմբերի համար կազմակերպել և անցկացնել ֆինանսական գրագիտության դասընթացներ

Գյումրի, Ամասիա և Մարալիկ համայնքներում ձևավորված 6 երիտասարդական խմբերի համար կազմակերպվել և անցկացվել են ֆինանսական գրագիտության բարձրացման 19 ժամ տևողությամբ դասընթացներ: 2 ժամ հատկացվել է դասընթացի նախնական և ավարտական գնահատման թեստերը լրացնելու և գիտելիքները գնահատելու համար **/ուսումնառուների կողմից լրացված մինչդասընթացյան և հետդասընթացյան լրացված հարցաթերթերը կից/:**

Ծրագրի իրականացման արդյունքում ուսումնառուները ձեռք են բերել գիտելիքներ և հմտություններ ֆինանսական գրագիտության մասին, մասնավորապես՝ անձնական/ընտանեկան բյուջեի, խնայողությունների և ավանդների, պարտքերի կառավարման, տեղեկությունների հավաքագրման, անձնական շահերի պաշտպանության և ֆինանսական գործիքների անվտանգ օգտագործման վերաբերյալ:

Ուսումնառուները սովորել են տարանջատել եկամուտների և ծախսերի տեսակները, գիտակցել բյուջեի պլանավորման կարևորությունը, կազմել անձնական բյուջե, դասակարգել ծախսերն ըստ առաջնահերթության, բյուջեի վերահսկման հիմնական մոտեցումներն և իմացել են բյուջեի վրա ազդող հիմնական ռիսկերը և դրանց Էությունը:

Բանկային ծառայություններից օգտվելու կարգին ծանոթանալուց ուսումնառուները իմացել են բանկային հաշվի և վճարային քարտի բնորոշ գծերը, առավելությունները և ռիսկերը, վճարային քարտերի հիմնական տեսակները, սովորել են ընտրել վճարային քարտ՝ հաշվի առնելով դրանց առանձնահատկությունները:

Ուսումնառուները հասկացել են խնայողություններ կատարելու կարևորությունը, իմացել են խնայողությունները ներդնելու 3 չափանիշները, ծանոթացել են ներդրումներ կատարելու տարբեր ձևերի առավելություններին և թերություններին:

Պարտքերի կառավարման բաժնում մասնակիցներն իմացել են թե պարտք վերցնելու ինչպիսի աղբյուրներ գոյություն ունեն, դրանց դրական և բացասական կողմերը, սովորել են նախընտրել պարտք վերցնելու ավելի էժան և ոչ ռիսկային տարբերակները, գիտակցել են վարկի և խնայողության տարբերությունները՝ որպես նպատակի հասնելու միջոց, արտարժույթային ռիսկի ազդեցությունը իրենց վրա, իմացել են վարկի տարեկան փաստացի տոկոսադրույքի վերաբերյալ և կարողացել են կիրառել դա, կարողացել են ընտրել վարկ՝ հաշվի առնելով առանձնահատկությունները, ծանոթացել են լիզինգին և դրա հիմնական սկզբունքներին, գիտակցել են իրենց իրավունքները և պարտականությունները վարկային պայմանագիր ստորագրելիս:

Ապահովագրության բաժնում ուսումնառուները ծանոթացել են ապահովագրության սկզբունքներին և տեսակներին, իմացել են, թե ինչին պետք է ուշադրություն դարձնել ապահովագրությունից օգտվելիս և իրազեկվել են Ավտոապահովագրողների բյուրոյի մասին:

Ֆինանսական գեղծարարություններ և խարդախություններ բաժնում ուսումնառուները տեղեկացել են հնարավոր ֆինանսական գեղծարարությունների և խարդախությունների, դրանց հիմնական տեսակների մասին, կարողացել են բացահայտել ֆինանսական գեղծարարությունները և խարդախությունները՝ հիմնվելով որոշ կարևոր սկզբունքների վրա:

**Գործողություն 1.4** Ձևավորված խմբերի համար կազմակերպել և անցկացնել խնայողությունների խաղ:

Գյումրի, Ամասիա և Մարալիկ համայնքներում ձևավորված 6 երիտասարդական խմբերի համար կազմակերպվել և անցկացվել են խնայողությունների խաղ 9 ժամ տևողությամբ:

Ֆինանսական գրագիտության բարձրացման և խնայողությունների խաղի անցկացման համար յուրաքանչյուր խումբ մասնակցել է ընդհանուր 30 ժամ տևողությամբ դասընթացի:

**Գործողություն 1.5** Դասընթացի արդյունքում դասընթացի մասնակիցներն հանձնել են դասընթացի մասնակցության վկայականներ:

Դասընթացը հաջողությամբ ավարտած 92 մասնակցի վկայականները ուղարկվել են նախարարություն ստորագրելու և կնիքելու համար: Առաջիկայում վկայականները կհանձնվեն դասընթացի մասնակիցներին:

**2.2** Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների , նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

Ծրագրով նախատեսված բոլոր գործողությունները և միջոցառումները իրականացվել են ըստ

սահմանված աշխատանքային պլանի: Նշված գործողությունները լիովին նպաստել են ծրագրի նպատակի և խնդիրների իրականացմանը, ծրագրի շահառու դեռահասների և երիտասարդների մոտ ձևավորվել է հետաքրքրություն, մինչդասընթացյան և հետդասընթացյան հարցաթերթերի ամփոփումն ու վերլուծությունը փաստում են դասընթացի իրականացման անհրաժեշտության և շահառուների շրջանում իրազեկության բարձրացման աճի մասին / **մինչդասընթացյան և հետդասընթացյան հարցաշարերի վերլուծությունները կից** /:

**Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)**

«Խաչմերուկ» կրթական խորհրդատվական կենտրոնի հիմնադրամի ֆեյսբուքյան էջի հղումներ  
<https://www.facebook.com/photo/?fbid=721664223085844&set=pcb.721673086418291>  
<https://www.facebook.com/photo/?fbid=743595167559416&set=pcb.743595650892701>  
<https://www.facebook.com/photo/?fbid=747970390455227&set=pcb.747979217121011>  
<https://www.facebook.com/photo?fbid=750027893582810&set=pcb.750028623582737>  
<https://www.facebook.com/photo/?fbid=755418086377124&set=pcb.755419193043680>

**2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:**

Ծրագրի իրականացման ընթացքում որևէ խնդիր կամ խոչընդոտ չի եղել, համագործակից բոլոր կազմակերպությունները պատրաստակամություն են հայտնել համագործակցել ծրագրի շրջանակներում և ակտիվ ներգրավված են եղել ծրագրի գործողությունների իրականացման ընթացքում: Միակ դժվարությունը, որը ծագել է դասընթացների իրականացման ընթացքում եղել է դասընթացների իրականացման ժամանակահատվածը, քանի որ մայիս և հունիս ամիսները հաստատությունների բարձր դասարանցիների կամ ուսանողների համար ծանրաբեռնված ամիսներ են /թեսթ, ստուգաբլիթ, քննություններ/, ինչի պատճառով դասընթացավարներն անընդհատ ստիպված են եղել փոխել հանդիպումների ժամերը: Որոշակի դժվարություն է առաջացել ծրագրի գնումներն իրականացնելու ընթացքում կապված նախնական գնահարցումների և դրանց պարտադիր լինելու հանգամանքով: Գնահարցումները տեղի են ունեցել և մատակարարները հաստատվել են ծրագրի մեկնարկից 6 ամիս առաջ և ծրագրի իրականացման փուլում որոշ ապրանքներ խանութներում բացակայում էին, մի մասի գներն էլ փոփոխված էին: Տրանսպորտային փոխադրողի պարագայում ծրագրի երկրորդ ամսվա ընթացքում հաղթող կազմակերպությունը լուծարվել է և մենք ստիպված ենք եղել շտապ գտնել նույն պայմաններով ծառայություն մատուցող այլ կազմակերպություն:

**2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները:**

Ծրագիրն արդեն իսկ ավարտված է և որևէ գործողություն չկա հետագայում իրականացնելու և հաշվետվություն ներկայացնելու համար:

**2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:**

Ծրագրի պլանավորման և իրականացման ընթացքում չեն եղել չնախատեսված գործողություններ: Բոլոր գործողությունները եղել են նախատեսված և իրականացվել են ըստ ժամանակացույցի: